



**Republika e Kosovës
Republika Kosova-Republic of Kosovo
Obiliq/Obilic**

**UDHËZUESI PËR APLIKANTËT E GRANTEVE
Komuna e Obiliqit/2020**

**Skema e Granteve : „Përkrahja e nënave vetëushqyese dhe grave në biznes“
Numri i references: “ KO 2020”**

Autoriteti kontraktues:

Komuna e Obiliqit

**Afati për dorëzimin e aplikacionit:
17.08. 2020 ora 16:00**

PERMBAJTJA:

Skema e Granteve „Programi ne perkrahjen e nenave veteushqyese dhe grat ne biznes“	1
1. SKEMA E GRANTEVE „Programi ne perkrahjen e nenave veteushqyese dhe grat ne biznes“	3
1.1. Hyrje	3
1.2. Grant/skema „Programi ne perkrahjen e nenave veteushqyese dhe grat ne biznes“	3
“	Error! Bookmark not defined.
1.3. Synimet e Thirrjes për Propozime	3
1.4. Përkrahja financiare e ofruar nga autoriteti kontraktues Komuna e Obiliqit.....	3
1.5 Shumat e granteve	4
2. RREGULLAT PËR THIRRJEN PËR PROPOZIME	4
2.1 Kualifikimi i aplikantëve: kush mund të aplikojë?	4
2.2 Aplikantët që nuk kualifikohen	5
2.3 Veprimet e kualifikueshme: veprimet për të cilat mund të parashtrohet aplikimi	5
2.4 Sektorët apo temat	6
2.5 Lokacioni.....	6
2.6 Llojet e veprimit/projektit	6
2.7 Kualifikueshmëria e shpenzimeve: kostot që mund të merren parasysht për grantin	7
2.8 PROCEDURAT E PROKURIMIT.....	8
3. SI TË APLIKOHET DHE PROCEDURAT QË DUHEN NDJEKUR	8
3.1 Mënyra e aplikimit	8
3.2 Ku dhe si të bëhet aplikimi	9
3.3 Afati i fundit për aplikim.....	10
3.4 Informata të mëtutjeshme për aplikimin.....	10
4. Kriteret e Vlerësimit.....	10
5. LISTA E SHTOJCAVE	10

1. SKEMA E GRANTEVE „Përkrahja e nënave vetëushqyese dhe grave në biznes“

1.1. Hyrje

Kosova është në një fazë të hershme dhe ka shënuar progres në zhvillimin e një ekonomie funksionale të tregut. Rritja ekonomike ishte e fuqishme, por situata shumë e vështirë e tregut të punës mbetet shqetësuese. Sipas anketës së fuqisë punëtore (A, pjesëmarrja e fuqisë punëtore ra në 40.9% në tremujorin e fundit të vitit 2018, nga 42.8% sa ishte një vit më parë. Shkalla e pjesëmarrjes së grave ishte 18.4%, me më shumë se një të tretën e grave ekonomikisht aktive (33.4%) të papuna. Shkalla e përgjithshme e punësimit ishte 28.8%, krahasuar me 29.8% të një viti më parë. Hendeku i gjerë midis punësimit të meshkujve dhe femrave (45.3% dhe 12.3% respektivisht) ka vazhduar. Papunësia ka shënuar një rënie nga 30.5% në 29.6%.

Situata e pafavorshme ekonomike, që vjen si rezultat i papunësisë apo pagave të ulëta është vetëm njëri nga faktorët e shumtë, që kufizojnë mundësitë jetësore për nënat vetëushqyese. Në këtë analizë të shkurtër tregohet se si politikat qendrore ofrojnë fare pak lehtësira për nënat vetëushqyese.

1.2. Grant skema „Përkrahja e nënave vetëushqyese dhe grave në biznes“

Komuna e Obiliqit përmes lansimit të kësaj grant skeme për financimin e sektorit privat do të ndihmojë nënat vetëushqyese dhe gratë që të plotësojnë nevojat e tyre në të bërit biznes.

Synimi kryesor i skemës së granteve për sektorin privat është të mundësojë që projektet cilësore afariste të implementohen e zhvillohen ma tej, duke krijuar vende të reja të punës dhe fuqizimin e gruas në biznes.

Ofrimi i ndihmës përmes ketyre granteve për bizneset në rritje dhe ato fillestare dhe do të ketë ndikim pozitiv në krijimin e vendeve të reja të punës dhe vetqendrueshmërinë e tyre.

1.3. Synimet e Thirrjes për Propozime

Synimi i përgjithshëm i kësaj Thirrjeje për Propozime është zhvillimi i sektorit privat për me fokus të veçantë për bizneset e udhëhequra nga nënat vetëushqyese dhe gratë që të plotësojnë nevojat e tyre në të bërit biznes.

Synimet specifike të kësaj Thirrjeje për Propozime janë:

- i. Zvogëlimi i papunësisë përmes krijimit të vendeve të reja të punës, me theks të veçantë gratë dhe nënat vetëushqyese
- ii. Përkrahja e zhvillimit të bizneseve të reja dhe atyre me potencial rritjeje;

1.4. Përkrahja financiare e ofruar nga autoriteti kontraktues (Komuna e Obiliqit)

Shuma e përafërt e kësaj thirrjeje është rreth 50,000 €. Autoriteti Kontraktues rezervon të drejtën të mos shpërndajë të gjitha mjetet në dispozicion.

Grantet do të ndahet në 2 Lote, si vijon:

Loti 1 – Start-up; (biznese të reja)

Loti 2 – Ndërmarrjet mikro dhe të vogla ekzistuese (qarkullimi i vitit paraprek deri në 2,000.00 € të dëshmuara nga ATK);

Sqarim: Sipas kategorizimit të ATK-së dhe sipas Ligjit Nr. 04/L-220 për Investime të Huaja, ndërmarrjet mikro dhe të vogla kanë 0-9 punëtor.

Qarkullimi i vitit paraprak duhet të shenohet në aplikacionin për grant. Në fazën e aplikimit nuk kërkohet të dëshmohet me vërtetim të ATK-së. Vetëm aplikantët që parakualifikohen duhet të sjellin vërtetimin e ATK-së që dëshmon shumën e qarkullimit vjetor për vitin e fundit fiskal e cila duhet të përputhet me shumën e prezantuar në formular, në rast se këto dy shuma nuk përputhen atëherë Komuna e Obiliqit ju diskualifikon nga gara e mëtutjeshme.

1.5 Shumat e granteve

Çdo grant i kërkuar sipas kësaj Thirrjeje për Propozime duhet të jetë brenda **shumave vijuese minimale dhe maksimale**:

Loti 1 – Start-up - Nga 1,000.00 € deri në 1,500.00€;

Loti 2 – Ndërmarrjet mikro dhe të vogla ekzistuese - Nga 1,000.00 € deri në 2,500.00 €;

Secili grant i kërkuar sipas kësaj Thirrjeje për Propozime duhet të jetë brenda **përqindjeve minimale dhe maksimale të kostos totale të kualifikueshme** për veprim: Për të gjitha lotet, përqindja e bashkëfinancimit nga aplikantët duhet të jetë nga 10% deri në 40% (kontributi në natyrë nuk konsiderohet bashkëfinancim).

Shuma që kërkohet nga Autoriteti Kontraktues nuk mund të jetë nën 60% e kostos totale të projekt propozimit. Nëse gjatë realizimit të blerjeve, përfituesi ka arritur ta implementojë projektin më çmime më të vogla se ato të planifikuara atëherë mund të zbritet bashkëfinancimi deri në vlerën minimale të lejuar, por nëse projekti është implementuar edhe nën vlerën e bashkëfinancimit minimal atëherë zbritet edhe shuma e financimit të Komunes së Obiliqit në mënyrë proporcionale për të siguruar që projekti bashkëfinancohet nga përfituesi me vlerën minimale prej 10%.

2. RREGULLAT PËR THIRRJEN PËR PROPOZIME

Këto udhëzime përcaktojnë rregullat për dorëzimin, përzgjedhjen dhe implementimin e projekteve (veprimeve) të financuara sipas kësaj Thirrjeje për Propozime. Ekzistojnë tri tërësi të kriterëve për kualifikim, që kanë të bëjnë me:

- Aplikanti (ët) që mund të kërkojnë grant;
- Veprimet (lloji i projektit të biznesit) për të cilin mund të jepet granti;
- Lloji i kostos që mund të merret në përcaktimin e shumës së grantit.

2.1 Kualifikimi i aplikantëve: kush mund të aplikojë?

Për t'u kualifikuar për grant, aplikantët **duhet**:

- Të jenë shtetas të Kosovës dhe vepritaria e tyre zhvillohet në Komunën e Obiliqit.
- Të jetë ndërmarrje në pronësi 100% private (sipas definicionit të Kosovës) regjistruar në Kosovë sipas ligjeve të Kosovës (PER LOT 2).¹
- Të jetë në gjendje të demonstrojë likuiditetin e kompanisë (apo likuiditetin potencial);
- Të jetë i regjistruar për aktivitetet e parapara me veprimin e propozuar në kohën e pranimi të grantit;
- Të mund të demonstrojë që të gjitha kontributet dhe tatimet janë përmbushur²;
- Të jetë drejtpërdrejt përgjegjës për përgatitjen dhe menaxhimin e veprimeve.

2.2 Aplikantët që nuk kualifikohen

Aplikantë potencialë nuk mund të marrin pjesë në Thirrje për propozime apo të përfitojnë grante nëse gjenden në ndonjë prej situatave që renditen si më poshtë:

- Kanë bankrotuar apo janë në mbyllje, janë nën administrim të gjykatave, kanë hyrë në marrëveshje me kreditorë, kanë pezulluar aktivitetet afariste, i janë nënshtruar procedurave në lidhje me këto çështje, ose janë në situata analoge që lindin nga procedurat e përcaktuara me legjislacion apo rregullore vendore;
- Ata, apo personat që kanë autorizim përfaqësimi, vendim-marrjeje apo kontrolli mbi ta, janë dënuar për një vepër që ka të bëjë me sjelljen profesionale me aktgjykim të një autoriteti kompetent (pra kur nuk ka mundësi apelimi);
- Nuk janë në përputhje me obligimet e tyre sa i përket pagesës së kontributeve apo pagesës së tatimeve në pajtim me dispozitat ligjore të vendit në të cilin janë themeluar;
- Ata, apo personat që kanë autorizim përfaqësimi, vendim-marrjeje apo kontrolli mbi ta, kanë qenë subjekt i një aktgjykimi të prerë e të plotfuqishëm për mashtrim, korrupsion, përfshirje në organizatë kriminale, shpëlarje të parave apo ndonjë aktivitet tjetër të paligjshëm, ku aktiviteti i tillë i paligjshëm është dëmtues për interesat financiarë të Kosovës;

2.3 Veprimet e kualifikueshme: veprimet për të cilat mund të parashtrahet aplikimi

Definicioni:

Veprimi (apo projekti) përbëhet nga një tërësi aktivitetesh.

Kohëzgjatja:

Kohëzgjatja e planifikuar e projektit që financohet nuk mund të tejkalojë me shume se 3 (tre) muaj (përveq nëse ndryshe parashihet me kushtet kontratë).

¹ Certifikatën e regjistrimit të biznesit me të gjitha informatat përcjellëse sipas kërkesave të legjislacionit në fuqi në Republikën e Kosovës, certifikata duhet të jetë e re lëshuar nga ARBK sipas numrit unik identifikues;
 Certifikatën e regjistrimit të biznesit me të gjitha informatat përcjellëse sipas kërkesave të legjislacionit në fuqi në Republikën e Kosovës, certi

2.4 Sektorët apo temat

Ndërmarrjet që operojnë në prodhimin dhe përpunimin e produkteve, si dhe në shërbimet komerciale janë të kualifikuara të aplikojnë. Interes i veçantë i kushtohet projekteve që kanë mundësi të zëvendësojnë importet, dhe të krijojnë mundësi që mbulojnë nevojat dhe prioritetet e mjedisit lokal.

- Tregtia (pakicë dhe shumicë), ndërtimtari, **NUK KUALIFIKOHEN**

2.5 Lokacioni

Veprimet duhet të ndërmerren vetëm në Komunen e Obiliqit.

2.6 Llojet e veprimit/projektit

Propozimet për financim duhet të jenë të pavarura teknikisht dhe financiarisht. Veprimet duhet të kenë ndikim të prekshëm dhe të dukshëm tek kompanitë dhe rritjen e punësimit, rritjen e kapaciteteve prodhuese, përmirësim apo optimizim të cikleve jetësore të zhvillimit të produkteve/shërbimeve dhe diversifikimin e produkteve/shërbimeve, kanale të reja të shitjes dhe shpërndarjes, rritje të shitjes në Kosovë, zhvillimin e zinxhirit të vlerave dhe të ngjashme.

Llojet vijuese të aktiviteteve në përputhje me synimet e Programit llogariten si **shpenzime të kualifikueshme, dhe mund të financohen sipas kësaj Thirrjeje për Propozime:**

- Investimet në asete të prekshme që kanë të bëjnë ose me blerjen e pajisjeve, makinerisë, linjat e prodhimit, softuerë, si dhe të ngjashme apo/dhe përmirësimin e proceseve dhe metodave prodhuese si dhe duke përfshirë asetet që mund t'i ndihmojnë bizneseve të jenë më pak të varura nga faktorët e jashtëm;
- Trajnimi i specializuar në lidhje me investimet e lartpërmendura, p.sh. trajnime për përdorimin e pajisjeve apo teknologjisë së re si dhe në ngritjen profesionale të biznesit të tyre.
- Aktivitete marketingu (p.sh. pjesëmarrja në panaire , si dhe/ose zhvillimi i uebfaqeve, etj.) për të promovuar produkte e shërbime më të mira apo të reja (kjo komponent nuk mund të kalojë më shumë se 10% të vlerës totale të projektit).

Llojet vijuese të veprimit NUK kualifikohen:

- Veprimet që kanë të bëjnë vetëm me apo kryesisht me sponsorizimet individuale për pjesëmarrje në punëtori, seminare, konferenca;
- Veprimet që kanë të bëjnë vetëm me apo kryesisht me bursat individuale për studime;
- Programet për kredi;
- Detyrat dhe veprimet operative që nuk lidhen me implementimin e projektit;
- Aktet që shkelin rregullat dhe rregulloret e njohura ndërkombëtarisht të cilat mbrojnë të drejtat e punëtorëve në Kosovë.

Projekti duhet të jetë në përputhje me objektivat dhe prioritetet e ThpP dhe të garantojë dukshmërinë e financimit nga Komuna e Obiliqit.

Numri i aplikimeve dhe granteve për aplikant

Një aplikant **nuk mund të dorëzojë më shumë se një aplikacion** në këtë Thirrje për Propozime.

2.7 Kualifikueshmëria e shpenzimeve: kostot që mund të merren parasysht për grantin

Të gjitha shpenzimet duhet të jenë në përputhje me rregullat e përcaktuara me këtë thirrje. Vetëm «kostot e kualifikuara» mund të merren parasysht për grant. Kostot e kualifikueshme duhen bazuar në shpenzime reale dhe dokumentet mbështetëse.

Kostot e kualifikueshme janë:

- Kostot që kanë të bëjnë me implementimin e aktiviteteve të kualifikuara;
- Janë shënuar në buxhetin e përgjithshëm të projektit;
- Janë të domosdoshme për implementimin e projektit;
- Janë të identifikueshme dhe të verifikueshme, në veçanti të regjistruara në regjistrat e kontabilitetit të Përfituesit(ve);
- Janë të arsyeshme, të arsyetuara brenda kërkesave të menaxhimit të qëndrueshëm financiar, sidomos në lidhje me ekonomizimin dhe efikasitetin.

Kostot e pakualifikueshme:

Kostot vijuese nuk kualifikohen:

- Borxhet dhe tarifat e mbulimit të borxhit;
- Provizionet për humbje dhe detyrime potenciale të ardhme;
- Interesat e borxhit;
- Tatimet në të hyra;
- Shpenzimet e deklaruara nga përfituesi dhe të mbuluara nga ndonjë veprim apo program tjetër pune;
- Blerja e tokës, ndërtimi apo riparimi i stabilimenteve/strukturave (përfshirë stabilimentet e depozitimit apo stabilimente/struktura të ngjashme);
- Humbjet në këmbim të valutës;
- Kreditë ndaj palëve të treta;
- Gjobat, ndëshkimet financiare dhe shpenzimet gjyqësore;
- Shpenzimet e amortizimit, që normalisht duhet të jenë pjesë e mënyrës në të cilën ndahen fitimet;
- Tarifat bankare, shpenzimet e garancive dhe tarifa të ngjashme;
- Kostot e artikujve apo pajisjeve të përdorura;
- Pagat dhe medijt;
- Shpenzimet e lëndës së parë;
- Shpenzimet tjera operationale (rryma, uji etj.)
- Automjetet e transportit;

Nëse kostot e pakualifikueshme arrijnë shumën mbi 20% të vlerës së projektit aplikacioni refuzohet. Shpenzimet e papranueshme janë çështje e përfituesit, prandaj ato nuk duhet të përfshihen në kërkesën për pagesë, kështu që përfituesi duhet të ketë mjete financiare vetanake për mbulimin e tyre.

Çdo tentim për mashtrim (psh. falsifikimi i faturave, manipulimi i procedurave të prokurimit, blerja e makinave apo pajisjeve të përdorura, etj.) do të ndëshkohet me mospagesë të asaj pjese që është subjekt i mashtrimit dhe ndëshkime shtesë deri në përjashtim total nga pagesa, siç parashihet me sistemin ndëshkimor që është pjesë e kontratës.

Është në interesin e aplikantit të paraqesë **buxhet realist dhe efektiv për koston**.

2.8 PROCEDURAT E PROKURIMIT

Procedurat e Prokurimit do të jenë pjesë e kontratës së nënshkruar në mes Autoritetit Kontraktues (Komunes së Obiliqit) dhe përfituesit.

3. SI TË APLIKOHET DHE PROCEDURAT QË DUHEN NDJEKUR

3.1 Mënyra e aplikimit

Aplikantët ftohen të plotësojnë formularin e aplikimit. Aplikantët duhet t'i përmbahen strikt formateve të aplikimit dhe të plotësojnë paragrafët dhe faqet me rend.

i) Pako aplikimi për LOT 1 si dhe dokumentet që duhet të dorëzohen (për startup)

Shtojca A1 Formulari i aplikimit

Shtojca B1 Buxheti;

Shtojca C1 Deklarata me shkrim nga aplikanti;;

Dokumentet tjera shtesë:

- Kopja e Leternjoftimit, oferta për makinerinë apo pajisjet/shërbimet e planifikuara në projekt për vlerën totale të projektit (*oferta duhet të përmbaj të dhënat e sakta të ofertuesit dhe nuk duhet të jetë më e vjetër se data e shpalljes së thirrjes për propozime*).

VEREJTJE: Kandidatet e perzgjedhura për financim të projekteve të tyre do të jenë të obliguara që të regjistrojnë bizneset e tyre para nënshkrimit të kontratës për grant.

ii) Pako aplikimi për LOT 2 si dhe dokumentet që duhet të dorëzohen (për bizneset ekzistuese)

Shtojca A2 Formulari i aplikimit

Shtojca B1 Buxheti;

Shtojca C1 Deklarata me shkrim nga aplikanti;

Dokumentet tjera shtesë:

- Oferta për makinerinë apo pajisjet/shërbimet e planifikuara në projekt për vlerën totale të projektit (*oferta duhet të përmbaj të dhënat e sakta të ofertuesit dhe nuk duhet të jetë më e vjetër se data e shpalljes së thirrjes për propozime*);
- Kopja e Leternjoftimit.
- Certifikatën e regjistrimit të biznesit me të gjitha informatat përcjellëse sipas kërkesave të legjislacionit në fuqi në Republikën e Kosovës, certifikata duhet të jetë e re lëshuar nga ARBK sipas numrit unik identifikues;
- Vërtetim tatimor (*jo më i vjetër se data e shpalljes së thirrjes për propozime*) me të cilën vërtetohet se aplikuesi nuk ka borxhe aktuale tatimore të pashlyera apo obligime

- tjera tatimore, ose është në marrëveshje për shlyerjen e borxhit me ATK (mund të nxjerret online nga uebfaqja e ATK-së);
- .Listën e punëtorëve për vitin e fundit fiskal të lëshuar nga ATK (mund të nxjerret online nga uebfaqja e ATK-së).

Aplikacionet mund të plotësohen në gjuhën shqipe apo serbe.

Aplikacionet të shkruara me dorë nuk do të pranohen.

Vetëm formularët e **PLOTËSUAR** të aplikimit dhe shtojcat do të kalojnë për vlerësim. Kështu, është me rëndësi kyçe që këto dokumente të përmbajnë TË GJITHA informatat relevante në lidhje me veprimin.

Vlerësimi i Aplikacioneve do të përfshijë një «kontroll administrativ» për të siguruar që aplikantët kanë përmbushur rregullat e kualifikimit (p.sh. aplikantët janë shtetas të Kosovës dhe ushtron veprimtarine në Komunën e Obiliqit, si dhe biznesi është regjistruar në Kosovë për Lotet 2, (për bizneset ekzistuese). Procesi i vlerësimit teknik do të konsiderojë nëse Aplikacioni demonstroi që ndërmarrja ka perspektivë të mirë të të qenit e suksesshme dhe e qëndrueshme, si dhe që implementimi do të kontribuojë drejt përmbushjes së synimeve të Skemës së Granteve për të ndihmuar zhvillimin ekonomik të Kosovës. Grantet do t'i jepen aplikantëve «me notën më të lartë» në secilin Lot, deri në kufijtë e buxhetit në dispozicion.

Në rastet kur ka mos përputhje të vlerave buxhetore në projekt, konfuzitet në përshkrim të projektit dhe gabim në përdorimin e formateve të përcaktuara në thirrjen për propozime, aplikacioni projekti do të diskualifikohet.

Komuna e Obiliqit nuk është përgjegjëse për koston që ndërlidhet me përgatitjen e aplikacionit.

3.2 Ku dhe si të bëhet aplikimi

Aplikacionet duhen dorëzuar në zarf të mbyllur me postë të regjistruar, shërbim të postës së shpejtë, apo dorëzuar personalisht (dorëzuesit do t'i jepet një vërtetim i nënshkruar dhe datuar i pranimit) në adresën e mëposhtme: Rr"Adem Jashari", Komuna Obiliq, Zyra Pritese – Administrata Komunale Obiliq

Për Lot 2 (biznese ekzistuese) Aplikimi duhet të bëhet nga pronarët e bizneseve apo personat e autorizuar siç figurojnë në ARBK <https://arbk.rks-gov.net/page.aspx?id=1,1>.

Aplikacionet duhen dorëzuar në një origjinal dhe 2 kopje në madhësi A4, të gjitha të futura në një zarf. Formulari i plotë i aplikimit (te gjitha shtojcat) duhen gjithashtu të dorëzohen në formë elektronike (CD) në një dosje të ndarë dhe të tërë (p.sh. formulari i plotë i aplikimit nuk duhet të ndahet në disa dosje të ndryshme). Zarfi i jashtëm duhet të ketë **numrin e referencës dhe titullin e Thirrjes për Propozime si dhe**

indikacionin e Lotit (1) për të cilat aplikon aplikanti, bashkë me emrin e plotë dhe adresën e aplikantit

3.3 Afati i fundit për aplikim

Afati i fundit për aplikim është 17.08.2020, në ora 16:00, siç vërtetohet me anë të datës së dorëzimit, vulës postare, apo datës së fletë-dërgesës. Në rastin e dorëzimit personal, afati për pranim është ora 16:00, koha lokale, siç vërtetohet me pranimin e nënshkruar dhe datuar.

3.4 Informata të mëtutjeshme për aplikimin

Pyetje shtesë mund të dërgohen në emailin vijues: mimoza.tafarshiku@ardacentre.org më së voni deri më 07.08. 2020 deri në ora 16:00, si dhe duhet të tregojë qartë referencën për Thirrjen për Propozime si dhe Loti specifik të cilit i referohet. Komuna e Obiliqit nuk ka për obligim të ofrojë qartësime të mëtutjeshme ndaj pyetjeve që dorëzohen pas 07.08.2020.

4. Kriteret e Vlerësimit

Për t'u para-selektuar, projekt propozimi duhet të arrijë së paku 50 pikë. Pas vlerësimit, aplikantët do të renditen sipas pikeve të tyre. Aplikimet me piket më të larta do të zgjedhen përkohësisht deri në arritjen e buxhetit në dispozicion.

Pjesa / Elementet e notimit	Pesha e përgjithshme / Piket maksimale
	LOT 1 dhe LOT2
1. Kapaciteti financiar dhe operacional	20
2. Relevanca e veprimit	25
3. Efektshmëria dhe arritshmëria	25
4. Qëndrueshmëria e veprim	15
5. Buxheti dhe efektshmëria në kosto	15
GJITHSEJ PIKE (MAKSIMUM)	100

5. LISTA E SHTOJCAVE

i) **Pako aplikimi për LOT 1 (startup)**

Shtojca A1 Formulari i aplikimit

Shtojca B1 Buxheti

Shtojca C1 Deklarata me shkrim nga aplikanti e nënshkruar

ii) **Pako aplikimi për LOT 2, (Biznes ekzistues)**

Shtojca A2 Formulari i aplikimit

Shtojca B1 Buxheti

Shtojca C1 Deklarata me shkrim nga aplikanti e nënshkruar